

ভিকারুননিসা নূন স্কুল অ্যান্ড কলেজের ২০২২ সালের অভিভাবক প্রতিনিধি নির্বাচনের কার্যক্রম বন্ধের নির্দেশনা চেয়ে আইনি নোটিশ পাঠানো হয়েছে। শিক্ষা মন্ত্রণালয় সচিব, ঢাকা বিভাগীয় কমিশনার, ঢাকা মাধ্যমিক ও উচ্চ মাধ্যমিক শিক্ষা বোর্ডের চেয়ারম্যান, ভিকারুননিসা নূন স্কুল অ্যান্ড কলেজের অ্যাডহক কমিটির চেয়ারম্যান এবং স্কুলের অধ্যক্ষকে এ নোটিশ পাঠানো হয়েছে।

advertisement 3

গতকাল সোমবার পঞ্চম শ্রেণির এক শিক্ষার্থীর অভিভাবককে ভোটার তালিকায় অন্তর্ভুক্ত না করায় তার পক্ষে সুপ্রিমকোর্টের আইনজীবী ব্যারিস্টার

advertisement 4

মোহাম্মদ হুমায়ন কবির এ নোটিশ পাঠান। নোটিশে অবিলম্বে অভিভাবক তিন্মা খুরশীদ জাহানকে ভোটার তালিকায় অন্তর্ভুক্ত এবং বিষয়টি নিষ্পত্তি না হওয়া পর্যন্ত নির্বাচনি তফসিল ঘোষণা ও নির্বাচন অনুষ্ঠান বন্ধ রাখার অনুরোধ করা হয়েছে।

নোটিশে বলা হয়েছে, তিন্মা খুরশীদ জাহান তার ভাইয়ের কন্যার অভিভাবক হিসেবে আদালত কর্তৃক মনোনীত হয়েছেন। ২০২২ সালের অভিভাবক প্রতিনিধি নির্বাচনের ভোটার তালিকায় অন্তর্ভুক্তির জন্য তিন্মা খুরশীদ জাহান অভিভাবক হিসেবে ফরমপূরণ করে জমা দেন। কিন্তু তার নাম অন্তর্ভুক্ত না করেই খসড়া ভোটার তালিকা প্রকাশ করে। তিন্মা খুরশীদ জাহান তার নাম চূড়ান্ত ভোটার তালিকা অন্তর্ভুক্ত করার জন্য শিক্ষা মন্ত্রণালয়ের সচিব, ঢাকার বিভাগীয় কমিশনার, ঢাকা বোর্ডের চেয়ারম্যান, স্কুলের অ্যাডহক কমিটির চেয়ারম্যান এবং অধ্যক্ষ বরাবর আবেদন করেন। কিন্তু সে আবেদনে সাড়া না পেয়ে এ আইনি নোটিশ পাঠানো হয়।